

華嚴原人論解卷中

茲四

長安大開元寺講經論沙門圓覺述

第二斥偏淺中分三初標牒章門偏淺之義  
如下文自釋○次佛教下標列五教此五種  
教圭峰約義分判由所被機有五乘之異故

舊

能被教有此五種言五乘者一人天乘二聲  
聞乘三緣覺乘四菩薩乘五佛乘此依華嚴  
覺調勒章意從所求法以立乘名耳今合聲聞緣覺而開菩薩  
故立此五若依法相宗說五種種性者一聲  
聞乘性二緣覺乘性三菩薩乘性四不定乘

性五者無性就不定中復有四類一聲聞菩  
薩性二緣覺菩薩性三聲聞緣覺性四聲聞  
緣覺善薩性其無性者謂總無前三乘種性  
今人天教收彼無性小乘教收彼聲聞緣覺  
二性後三教收彼菩薩性其不定性中間三

教攝之若依賢首五教者一小乘教同此第  
二二大乘始教當此三四三終教四頓教五  
圓教當此第五良以賢首後三皆約一乘故  
圭峰合之賢首約同教別教歷位無位開成  
三異而彼始教雙收西域空相二宗以俱未

盡大乘法理故合爲初初即始也圭峰依西域仍爲二或開或合各有攸當不可一準萬松老師於此論中立九對十八重總該賢首圭峰二種五教之義一苦樂對以三途二人天對欲界爲散對人天二色空對以四禪望四空對天三定散對上二爲定以人三定散對

五凡聖對前四皆凡後三來聖六大小對聲聞緣覺小法相爲始終對七始終對始終歷位九八頓漸對頓教不立九偏圓對九偏圓對賢首前四皆偏華嚴獨爲圓教是則於賢首小教中曲開前五對收此論義可謂辭簡而理盡矣○一佛爲初心下明人天教於中先總明大

舊

二

品下別叙分二先叙惡因果言十惡者謂身三殺盜婬語四妄言兩舌惡口绮語意三貪嗔邪見言上品者泛說善惡皆有三品三位明之一約境且如殺生殺人爲上殺畜爲中蚊蚋爲下不殺反此謂不殺人爲下不殺蚊

妙爲上二約心不論善惡但猛利心作爲上  
泛爾心作爲下庸庸爲中三約時若善若惡  
但三時無悔爲上二時無悔爲中一時爲下  
言地獄等者梵云捺洛迦此云苦器即衆生  
受苦之器也今言地獄約義立名有云地者

底也獄者局也地下有獄故名地獄總有四  
類謂八熱八寒近邊孤獨言八熱者一曰等  
活謂刀劍剉斬成千萬段以火燒聚唱言活  
活彼即使活活已復斬斬已復活故曰等活  
以四王天壽五百年諸天壽量下自有文爲一日一夜

如是積數至五百歲二曰衆合衆山四合碎  
罪人身猶如微塵以忉利天壽一千年爲一  
日一夜積此歲月壽一千歲三曰黑繩如世  
解木繩抨鋸解以夜摩天二千年壽爲一日  
一夜壽二千歲四曰號叫以兜率天壽四千  
萬四

年爲一晝夜壽四千歲五大號叫以化樂天  
八千年壽爲一晝夜壽八千歲六曰炎熱以  
他化天一萬六千年壽爲一晝夜壽一萬六  
千歲七曰極炎熱壽半中劫謂從人壽八萬  
四千歲時百年減一歲減至十歲名半中劫

爲此獄壽八曰阿鼻或云阿毘至此云無間有五義故立無間名一者作業無間約治罰說二者受報無間約果報說三者受苦無間約楚痛說四者壽命無間無中天故五者身量無間謂衆生自業各各自見身滿獄中間

無空處故曰無間此獄壽命一增減劫言八

寒者一按部陀正云遏部疊此翻爲胞寒苦觸身如瘡庖故二曰庖裂身凍裂故並二皆約苦相受三驅黃沾四虎虎凡五赫赫凡此三約受苦聲立名六青蓮花七紅蓮花八大紅蓮花

變寒苦觸身色

然此八寒壽量二說不同依俱舍說比前更長如第一按部陀壽命不知其數佛說如二十石篋滿盛胡麻百年取一粒取盡此二十石麻爲彼壽量餘七地獄倍倍增數若準瑜伽說八寒壽量較於八熱次第減半如按部陀減於等活之半乃至大紅蓮花較阿鼻亦爾依此則是八寒輕於八熱也三近邊獄者八熱四門各有四獄一曰塘煨沸灰齊膝下足焦爛舉足如故二曰屍糞糞泥齊膝中有毒虫下足食盡舉足還復三曰鋒刃刀劍等

刃布爲道路履則割傷四曰灰河沸熱灰汁  
或煮或煎皮肉潰爛四孤獨獄者處所不定  
或山間樹下曠野城隍等處依瑜伽說近邊  
孤獨壽命不定隨業長短言餓鬼者謂長受  
餓餓故曰餓鬼輕重不同凡有九類一曰炬

萬

四

口鬼謂於口中常出猛焰二曰針咽鬼頭腹  
如山咽喉如針三曰臭口鬼口如臭屍此三  
名無財鬼皆不得食故四曰大瘦鬼項中有  
癭以手抉膿還自食故五曰針毛鬼身毛如  
針還自刺身出血而食六曰臭毛鬼身毛臭

穢嫌故拔出取血而食此三名少財鬼少得  
飲食故七曰得弃鬼常得祭礼所弃之食八  
曰得失鬼常得巷陌所遺食故九曰勢力鬼  
此有三種一者夜叉二者羅刹三者毘舍闍  
此三名多財多得飲食故此上諸鬼以人間

二十日爲一日一夜彼還以三十日爲一月  
十二月爲一年壽五百歲上依俱舍有云鬼  
趣壽命不定極長者七萬歲言畜生者畜者  
養也人所畜養如牛馬犬豕之類此名則局  
或云傍生傍行而生通一切飛走之類此名

則真別而言之羽毛鱗介蟲蟻飛潛其類繁廣於中最福德者如龍及金翅皆通四生然畜趣壽命長短不定極長者壽一中劫廣如別章此依圭峯行願鈔引今言中品餓鬼下品畜生者圭峰依雜集等論故作此配若依華嚴二地

舊

五

則以畜生爲中餓鬼爲下清涼引正法念處經會云然此三途各有邊正正者爲重邊者爲輕正鬼望邊畜則鬼重畜輕如今文是也○故佛且類下後明善因果五戒十善四禪八定等是善因人天

等是善果於中分二初人乘言且類者即比類世謂世俗通西域此方不但周孔說五常也言五常者謂仁義禮智信是人之所常行造次顛沛不容離故注中別會兩方世教以顯大同亦潛通妨難恐人疑云佛出天竺彼國世教儀式或殊那言類此五常即應是佛教做倣孔老作是附會故爲此通云又龍樹釋摩訶衍論引道品經此方所無立四法藏一補特伽羅藏浦特伽羅此云數取趣以數經云教達業取餘趣生即日人也經云

佛子諦聽爲汝解說仁藏義藏禮藏智藏信

藏

天歲人

并聲聞藏及菩薩藏大覺法藏所以

者何一切行者漸次轉勝次第之法故○言

天竺者葱嶺已西有五天竺謂成劫之時光  
音天人下生於此故受天名梵云印土或云  
身毒訛畧云竺言世教者謂國王治世之教

也西域有佛法處依佛法治國如金光明有  
王法正論品又輪王以十善化世遵古佛遺教也言儀式  
雖殊者如正朔衣冠之類隨方或殊言懲惡  
勸善無別者謂與此方大同言亦不離仁等  
者德行雖多舉其大綱不出此五於斯可見

天下之理至當歸一聖人之心若合符節非  
周孔特爲斯民而創式也亦非如來做効此  
方而設教也例如已下舉土蕃與中國禮異  
以況天竺與震旦亦然畧舉禮之一端以例  
仁義之四是知諸國禮樂不有不同當論其

篇

六

心勿責其事或者封於一隅不相謂訝豈通  
論哉○令持五戒者若翻前十惡此合云十  
善故華嚴二地中說十善通五乘謂下品人  
因中品天因上品三乘因上上品佛因而佛  
於律儀中又制近事五戒亦通五乘故知五

戒十善大同小異開合隨宜其猶大乘六度  
十度耳注不殺是仁者下注家以五戒會五  
常以義同故明教大師云一曰不殺謂當愛  
生不可以已輒暴一物不止不食其肉也孟  
子云殺一無罪非仁也故以不殺爲仁二不

盜者謂不義不取不止攘他物也孟子云非  
其有而取之非義也三曰不婬謂不亂非其  
匹偶也而禮別尊卑故同不婬四不妄語者  
謂不以言欺人而信者言無反覆故同不妄  
五不飲啖者由飲啖故心神濁亂情慮凝狂

害於智也故不飲啖智恩清潔也然於餘說  
但云不飲圭峰加不啖肉當有所據或方勸  
人以爲止殺之漸也釋此五戒全依明教然此五戒依  
律儀中復有支時具闕之異五皆能持名爲  
支具或但能持四三二等名爲支闕盡形壽

持名爲時具或但能持十年五年下至一日  
名爲時闕支時相望應有四句具闕之義由  
此有一分少分多分滿分優婆塞夷梵云優  
婆塞此云近事男失女聲也於此五中不殺闕故雖得人身多  
病短命不盜闕故資財乏少不婬闕故無好

眷屬不妄闕故言無人受不飲闕故諸情暗  
鈍又此五中前四是性戒謂殺盜等體性是  
罪故曰性戒飲酒一戒是名遮戒由飲酒亂  
性犯前四故佛制此以防前四故曰遮戒  
○言得免三途者所離惡也生人道者所感

累也然五戒十善皆依師受三歸言下得此  
戒體或先受三歸後受五戒十戒未有不歸  
三寶而得戒者由歸佛故不墮地獄歸法故  
不墮餓鬼歸僧故不墮傍生今言得免三途  
蓋三歸之力也以受五戒必先三歸故畧不

言○修上品十善者此有二意一者對前五  
戒爲下故曰上品上品即十善也二者影畧  
以明人中十善爲下前不言者合五戒中故以天中爲  
上品上品之十善揀下品故又於天中十善  
是總施等爲別謂修十善與散心俱兼行施

等生六欲天與定心俱生上二界言十善者  
殺盜婬妄與五戒同五不綺語謂不飾非言  
六不兩舌謂語不背面七不惡口言必善順  
八不貪愛謂心常知足於有有具不生染著  
九不嗔恚謂不以忿恨宿於心十不邪見謂

心見正直無誑無詭此後六戒諸教標列或小異同皆不相違又有一經中合語四爲三謂不誹謗通兩舌惡口也不欺誑即綺語也不妄語如加不飲酒食肉爲四華嚴於語四中妄言兩舌惡口綺語爲次此約重輕爲先後也嵩公輔

舊

教編列意三爲嫉恚癡故前釋貪別依唯識纓絡梵網唯局大乘故此不會然其意三得爲業道者清涼大疏依瑜伽釋云貪若未決但名煩惱決即名業嗔麁亦然故意三中要具五緣方成業道言五緣者一事泛言他物他所攝故二體所貪物體

三差別於中有三一不求即金銀財寶等始欲名求二不願希得屬已即是樂欲三不貪終起奪想。即終起想烏舍於差別中前二方便後一究竟并前事體即是五緣於此五中若闕究竟即終起奪想。但名煩惱善惡相反成業例然言及施戒者謂持十善時又廣行惠施故感欲天衣食自然宮殿隨身眷屬圍繞如是果報由布施故天人壽長由持戒故然前云十善此又云戒者此或是近住戒或出家戒等如報恩經中說有一日一夜持近住戒或沙彌戒比丘戒等故別言之而言

等者即等取忍進定或餘善法謂供養三寶孝順父母修八福田等但十善爲正因餘皆助因而是有漏心修故不免輪迴非如菩薩通無漏者言生六欲天等者泛言天者俱舍云光潔自在神用得名總爲三界別爲二十

萬

九

八天謂欲界六天色界一十八天無色界四天言欲界者謂飲食睡眠男女情愛故名欲界言六天者一曰四王天是帝釋臣佐居須彌四傍去地四萬二千由旬一由四十里身長半由旬衣重半兩壽五百歲以人間五十年爲

一晝夜陰陽如人世二忉利天此云三十三居須彌頂其須彌山出水八萬四千由旬前四王天居山之半山項之上四周廣平於其四方各有八天最中一天帝釋所居故總名爲三十三天此天身長一由旬衣重六銖壽一千歲以人間百年爲一晝夜以相抱爲陰陽三炎摩天此云時分以蓮花開合爲晝夜故曰時分居前天之上一倍身長二由旬衣重三銖壽二千歲以人間二百年爲一晝夜以身相近爲陰陽四兜率天此云知足於所

受樂常知足故居處倍前身長四由旬壽四千歲以人間四百年爲一晝夜以執手爲陰陽五化樂天謂隨心意樂<sub>切</sub><sup>五教</sup>自化樂具還自受用故居倍兜率身長八由旬衣重一銖壽八千歲以人間八百年爲一晝夜以相熟

視爲陰陽六他化自在天謂他化樂具自得受用故居倍前天身長十六由旬衣重半銖壽一萬六千歲以人間一千六百年爲一晝夜以暫瞬目爲陰陽自此已還名爲欲界言修四禪八定者梵語禪那此云靜慮法苑章

云靜者性離器塵沉浮等障慮者專心一志籌度境門然諸無色定有靜無慮純定心故欲界等持有慮無靜多散動故唯色界中靜慮均平故得此名言四禪者一有尋有伺靜慮尋伺亦名覺觀對治欲界惡不善法故然

葛

尋約龐相伺約細相二無尋無伺靜慮離初禪覺觀之心生歡喜故三離喜靜慮離前二禪喜心憂喜雙忘住於樂受故四離喜樂靜慮離前三禪喜樂苦樂雙忘故言八定者四禪之後加無色四空定謂一者空無邊處

定前色界中所有色想今皆超越住無邊空處故二識無邊處定前色與空皆不離識今皆超越唯住無邊識故三無所有處定前有識可住今識亦不可得若心若境皆無所有故四非想非非想處定前能離心識之想今

亦無故此與四禪俱名定者以四禪中有一分定義故得定名言生色無色界者由修四禪得生色界謂有五蘊色身故名色界其十八天者謂初禪三天一梵衆天即梵王人民二梵輔天即梵王臣佐三大梵天即是梵王

然此三天皆壽一劫自此已上身衣隨意無復男女但以禪定法喜爲食內有覺觀心故外感火灾所壞二禪少光無量光光音三天壽命二劫內有喜故外感水灾所壞三禪少淨無量淨徧淨三天壽命三劫內有樂故風

蓋

土

灾所壞四禪九天無雲福生廣果三大壽四劫無想天五百劫無煩天千劫無熱天二千劫善現天三千劫善見天四千劫色究竟天五千劫修後四定生無色界言無色者謂無色蘊但有四蘊心及心所依定而住名無

色界其四天者一空無邊處天壽一萬劫二識無邊處天壽二萬劫三無所有處天壽四萬二千劫四非想天壽八萬四千劫○注題中下通妨恐有難云此既具明五趣何故題中但標原人不言天等注先牒難界地不同

下正答應云界趣不同或筆悞耳三達人天類趣各別欲色無色依地有殊言見聞不及者天堂地獄鬼趣孔老不談俗眼不見故云爾也凡俗已下約所對機言尚不知末者且以天爲本人畜爲末者世人但知人畜草木

依天所生不知人畜從自業招妄謂天生是不知末况能知彼天等果爲何物縱若說者不過但云清氣上升高明悠久無聲無臭以爲至極更不信有佛教所說能盡天地之實者故曰況肯窮本豈復能知空生大覺如海一漚者乎故對下結意此二句出立題意今叙下出此文意○故名一句結門可知注中然業有下辨業報差別業以造作爲義然體有假實身語是假思是實體然思有三種謂審慮決定動發正取動發方成業道謂動身

思是身之實發語思是語之實審決二思但是方便意業有無如法苑章辨注一惡者即前三品十惡是二善者即前五戒十善等是三不動業者即前四禪八定對欲界散動得不動名言報亦有三時等者報以酌因爲義

善四

主

現報者現在作善作惡現身受報如服狼虎藥立時見効此約極猛烈心作業故得現報如琉璃王誅滅釋種生陥阿鼻法照和尚專念彌陀生歸極樂更不歷中有身也二生報者今生作業來生受報如今歲種麥來歲收

刈三後報者今生作業隔生方受如負二人債強者先牽善輕惡重則先受惡報惡輕善重則先受善報則以後受者爲後報也此約善惡間雜復由輕重分先後耳餘經論說此三之外復有不定報對時料棟復有四句謂一時定報不定二報定時不定三時報俱定四時報俱不定等○據此下總結業爲身本者但知此身從業所招而更不推業從何來良由根鈍未能窮究此如西方宿作論師所計彼見今世作善而現身受苦作惡受樂便

作是思若由士夫現在所作即應顛倒當知  
由彼宿世業行是故今世作善能壞宿業宿  
業既盡即得涅槃等○今詰之下就彼詰難  
於中二先總詰造受彼應答云不過是我身  
心能造故○後驅迹申難於中二先身心各

著

三

別難於中又二先難身應再詰云汝言身心  
能造者且汝能造之身不過眼耳手足等而  
已若此云者牒彼所立初死下正難宛然者  
謂分明之義此以現在例過去也由彼不了  
身等是假執爲實能造故招此難○若言心

造下後難心因前難身彼辭理屈遂別執心  
故今詰云汝所言心何者是耶然佛教說心  
凡有四種一肉團心五歲中火也二緣慮心  
通八種識俱能緣慮自分境故三集起心唯  
賴耶識集諸種子起現行故四堅實心即如

來藏性是也今人天機不知後三故招此難  
此與世俗言心大同○若言肉心下正難言  
有質者以肉團心屬色法故但是心等所依  
無實作用言如何速入眼耳等者然佛說第  
六意識有二義用一與五識俱行如眼緣色

時意亦緣色分別皂白起殊勝解耳緣聲等  
例亦如之二不與五俱名獨頭意如前五不  
緣境時內自思等今人天教不知緣外境者  
是意識作用執以爲心故招此難○且心與  
眼等下結難顯肉團心無作用也如其有用

肺等應然則諸已死應能緣慮○若言下破  
執情慮二先牒彼救詞恐彼救云心能喜怒  
愛惡發動身口故能造業此乃認情爲心不  
知喜怒等但是意識心所法也○喜怒等情  
下以理詰責乍起乍滅者謂對順情境則喜

則愛對違情境則怒則惡境來則起境去則  
滅殊不知心體常恒本無起滅若境去心無  
心即斷滅誰爲主宰而作業也○設言下身  
心相合難亦躡前轉破也由前身心別破彼  
遂立身心相合義應先救云不應如此別別

舊

古

推尋都是我身我心總合能造故此牒云設  
作此說者○此身下躡迹正詰縱言身心相  
合則身死心滅誰受報耶若許心不滅則無  
此難○若言死後下遮彼轉救恐彼救云前  
身雖死仍有後身前身造業後身受報復有

何過豈有下難意謂若心不滅自作自受屬於一人於理則可汝今既執身心俱滅則後身心非前身心不應彼作而令此受其猶前官枉法後官被黜安有此理○據此則下結成違理言修福屈甚者謂現身修福而由前

身所造惡故令現受苦如現職官清廉有德而以前官枉濫之罪加之不亦冤乎造罪幸甚者今世行惡之人而以前世善故得享其福如現職賊濫而以前官清廉之功賞之不亦幸乎蓋不應得而得故曰幸也甚謂過甚

○如何下後責神理者即業理也業由心造故傳名神業理至公必不如此枉濫但自彼宗不能深究率情而論故似枉也○故知下結顯未了既信業報則勝前儒老唯執自然氣命等故致雖言但不知業由心造心法剝

萬

三

那自類相續故云不達身本也前後論意皆躡迹相破如此人天宗於業報業報即是儒道所迷故但舉業報足破之矣未達色心從緣等是此教所迷即以小乘復爲能破○次小乘等者乘以運載爲義謂依因緣教悟生

空理修自利行取灭斷果運載衆生出於三界故名曰乘不求大果關於利他故名曰小之乘故揀大得名此以大乘貶他立號故爾於中分三初叙彼教宗復三初總顯因緣形骸之色揀外四大思慮之心即意識也此

之色心即緣生果○從無始來下明生滅之相言無始者揀於外宗有初始故又但知今世而已因緣力者出生滅所以由內六識爲所熏三毒爲能熏起惑造業爲能招因緣念念生滅者此之身心既是有爲之法故有四

相遷流前前念滅後後念生相續無窮者謂後後續於前前不斷絕故如水下舉此二喻以顯生滅之相消消點滴流注不斷而前前非後後如燈焦柱前焰非後焰雖前後不同不妨相續無始至今○身心下明相依以立

身心假合者半相資待如東蘆故謂身心爲二而不相離故言似一前後生滅而恒相續故曰似常○凡愚不覺下別明染淨因果先明染因果凡愚不覺者無明覆故執之爲我者即我執俱生○寶此我故者即我執分別

寶者愛重義故即起已下因執起惑由我執故生煩惱障煩惱障品雖復有多三毒勝故貪者成唯識云於有有具染著爲性於順情境起愛著故然有形色貪顯色貪妙觸貪供奉貪等又若能招生者欲貪最勝如前引圓

舊

六

覺云胎卵濕化皆因媱欲而正性命當知輪迴愛爲根本由有諸欲助發愛性是故能令生死相續佛名經云故知生死貪愛爲本注中且舉名利貴圖凡俗易知嗔者於有有具憎恚爲性注意可了圓覺又云由於欲境起

諸違順境背愛心而生憎嫉造種種業是故復生地獄餓鬼癡者於諸理事迷暗爲性由癡覆故於逆順境不能了達遂起貪嗔言三毒者從喻得名如毒蛇毒藥觸必傷人眼必喪命此三亦爾能害衆生法身慧命故名曰毒○三毒擊意下明因惑起業擊者熏動義即以三毒爲能熏意識爲所熏如風擊靜水以成波浪言發動身口造一切業者即前十惡等○業成難逃下二報差別此報有二謂五道等身爲正報三界九地爲依報由造十

惡受三途等苦由修戒善受人天樂故云受  
五道等注云別業所感者人人造受不同故  
三界勝劣者如以欲界望色界則色界爲勝  
欲界爲劣以四王望忉利則忉利爲勝四王  
爲劣注共業所感者多人同造同感故名曰

舊

古

共○於所受身下明三道不斷故金剛經疏  
序云惑業艱習報應綸輪塵沙劫波莫之遏  
絕故經論呼人爲數取趣謂數數起惑造業  
受報故中論染染者品云經說貪欲嗔恚愚  
癡是世間根本乃至云三毒因緣起於三業

三業因緣起於三界是故有一切法又十二  
因緣品云衆生癡所覆爲後起三行以有此  
行故識受六道身證此可知○身則下別顯  
果相五蘊初起曰生蘊熟衰變曰老四大增  
損爲病五蘊滅壞爲死上釋前別業所感界

則下釋前共業所感衆緣辨果曰成暫有所  
依曰住三災變滅爲壞蕩然無物曰空生死  
相續成壞相仍循還無窮法爾如是○注中  
別明世界成住壞空之狀於中先廣叙成劫  
初句躡前標舉○頌曰下正引俱舍頌也空

界者前界壞劫之後第二十空劫也又此空界即空輪也梵語洛义此云億謂此風輪厚十六億然不言由旬等未知十六億所目若準北山錄引阿毘曇論云世界空二十劫後將成之時乃有毘嵐風鼓之以爲風輪最居

其下厚九億六萬由旬廣十二億三千四百五十由旬雖數量小有不同大抵皆同風輪居下也風力大故金剛不壞此名一句結風名也此風有持界之用持界即風持業可知○言光音金藏雲至始作金剛界等者金藏

即雲之名雲色如金注水無窮故曰金藏雲升至光音天也遏止絕也若無風止水注無窮北山云大雲升空降雨如軸積彼風輪之上結爲水輪水輪最上堅凝爲金如乳停膜是爲金輪俱舍云水輪厚八洛义又因本經

舊

大

云水聚厚六十萬由旬水上別有大風吹轉此水於上成金如熟乳上生膏是名金輪厚三洛义二萬由旬論中引頌十一洛义者通取水輪八洛义及金輪三洛义故成十一也此意明金輪依水輪水輪依風輪風輪依空

輪空輪最在下金輪最在上○次第金藏雲  
下此明器界成立之相壯山云三輪既成兩  
自空飛注金輪上彼注云雨滴如車軸晝夜  
不息猶如河濺無數千年水厚二億四萬由  
旬廣十二億三千四百五十由旬周迴三十

六億一萬三百五十由旬○先成梵王界至  
清水成者謂風吹此水清者上升自上至下  
次第先成色界梵王天及欲界空居四天也  
須彌七金等一句在清濁之間忉利居須彌  
頂四王居須彌之半故但舉須彌則二天可

知矣七金者一喻健陀羅山此云持雙二伊  
沙默羅山此云持軸三竭地洛迦此云擔木  
四蘇達梨舍那山此云善見五頰濕縛羯擎  
此云馬耳六毘那怛迦山此云象鼻七尼民  
達羅山此亦魚名此七皆金所成故曰七金

須彌居中七金繞之淳濁爲山地者淳切阻史  
澣也謂稠泥之屬結爲土后諸山及平地也  
四洲即東勝身南瞻部西牛貨北俱盧此四  
居須彌四畔鹹海之中蓋汀渚之謂故曰四  
洲泥犁即地獄名也言鹹海者即四洲所依

之海其水末鹹揀七金山間香海故外輪圍者即鐵圍山在鹹海外此等皆前滓濁所成○方名下二句總結上句結處下句結時此總明一大化佛所王一三千界同時成立○言一增減者謂從人壽八萬四千歲時百

年減一歲減至人十歲時名曰減劫復從十歲百年增一歲增至八萬四千歲名曰增劫先減後增合云減增以順文故但曰增減齊此時量名一增減謂器界成立經爾許時也○乃至已下辨正報成義引俱舍等文言二

禪等者謂光音天人受天福盡當墮人中此時下生身有光明飛行自在喜樂爲食意生化身是時大海乍增乍減開川原路水所減處有地肥出如細蜂蜜香色美味復生地皮亦名地餅地味蓋已復生林藤人皆食之因

貪食故遂失神通光明亦滅世間黑暗菩薩慈悲現作日月星辰照耀祥菩薩作月天子寶菩薩云實慈菩薩作星天子寶林藤滅已復生杭稻朝割暮生由食米故遂有便利分男女形愛欲滋彰人文乃具競割稻穀畜積自供強弱相

凌無能制者集衆相議立一智者爲土田主  
衆共給之主不能獨治故求臣佐等言種種  
差別者即宮室城郭舟車服用之類○經十  
九劫人理方全兼前下總結時數具如俱舍  
等論及慈恩劫章頌說○議曰下會釋外宗

華嚴

卷四

所以會者以佛教說從空劫次第有天地萬  
物而儒老亦以從虛無太極等漸生天地人  
等二宗所說爲同爲異故須會釋以決疑情  
今初正會議曰者論主評也空界劫中至虛  
無之道一句正標舉亦牒外人疑辭也恐人

疑云佛教空劫將非老氏所謂虛無之道乎  
以虛無之言同空義故又先天地生似同其  
時今論意云粗說似同故云爾也○然道體  
下明究實則異謂佛教說空劫對成住壞一  
向是空非真空妙有之空也道之爲物至妙虛通不屬

空有若以空爲道非真道也○老氏下縱奪  
會釋先奪以顯異詳老氏意未必定指空劫  
爲虛無但彼先天地生及道生一等語似當  
其時恐後人不了便指空劫遂成執著故曰  
迷之然空劫約時虛無約道體豈得同耶或

權設下縱成顯同其實道非空有不妨在空同空在有同有今老氏約道在天地先故曰虛無又欲救人之弊以世人著有故老氏云大道虛無曷嘗有哉故曰務絕人欲人欲者即著有之見如道經云五色令人目盲五味

蘇

王

令人口爽等是也又初章云常無欲以觀其妙常有欲以觀其微豈非務絕人欲之謂耶○空界中大風即一氣者此風即前持界風是風輪也混沌即陰陽未分老氏謂之冲氣也故彼下引彼文證言道動出冲和之氣故

曰道生一也金藏雲下會儒門五運之說  
引巴雨下不流者即前云雨如車軸下風過不聽流論以此爲陰氣則以金藏雲爲陽氣也

即前一氣至此轉爲陰陽雖爲陰陽而尚未分散故曰相合猶屬一也○梵王界下別配

三才尋前論文會釋可了而論以天地爲二三才爲三者蓋論主高悟與明皇義異可以意得不必守文○地餅云其義易了若會儒宗者梵王已下即太極生兩儀地餅已下即四象生八卦等言三皇已前者然依世典說

三皇有二頃公紀年緝事引古今記云混沌初分清氣上升濁氣下沉此時有盤古出治一萬八千歲盤古死後形分爲物象遂有山川草木日月雲雷等云<sup>六</sup>自此有天皇氏地皇氏人皇氏此名前三皇各治萬八千歲一說

三皇年歲不同韋昭云天皇一萬八千年地皇一萬一千人皇九千帝王甲子紀云地皇九千人皇四千五百年此後復有五紀謂五龍紀攝提紀合熊紀連遷紀叙命紀次有巢氏燧人氏此後方有伏羲神農黃帝爲後三

皇伏犧畫八卦造書契神農作耒耜以播種百穀嘗藥草以愈衆疾黃帝制宮室衣服舟車器用定婚嫁喪制之禮等而上古之時茹毛飲血穴居野處人畜無別自有巢氏出教民夏居摶巢冬居塋窟方變穴居野處之風

燧人氏興鑽燧出火民始熟食故曰三皇已前至火化等○但以其時下遣疑恐有舛誤空風金水及光音天人下生而說盤古等耶故論釋云此方上古之時既無文字可考所以不

得其詳今但據老氏道生一等語及太極五運之說有與佛教畧相似理故爲會之蓋老氏與太極之說直渙滯而已至如盤古天皇等事周孔之所不談經籍之所不載而前所引古今記等但是世俗相傳好事者從而紀之其說殊不可考如說太極列子與鈞命參差三皇世數韋昭與甲子記異故曰諸家異說也故孔安國謂夫子討論墳典斷自唐虞已下豈非上古之事難可詳考故夫子置而不論者耶繫辭雖有太極生兩儀及庖犧神

農氏作等語後世尚有謂繫辭非孔子語也故北山引楊朱云太古之事滅矣孰誌之哉三皇之事若有若亡五帝之事若覺若夢三王之事或隱或顯夫如楊氏之辨則吾從何質焉斯之謂也○一佛教下重釋二教不同所以縱此方有說○才肇興之事不過但知四海九州之內而已而前俱舍等經論所說乃通叙化佛所至去之境言三千者俱舍頌云四大洲日月須彌盧欲天梵釋各一千說名小千界此小千千倍說名一中千此千倍

大千皆同一成壞言不局大唐者論主且約當時云爾即日震旦國也如仁王等經論說此閏淳提有十六大國二千中國十萬小國而震旦不在十六之數故知前會儒老且欲接此方之機耳其實內外不得全同然莊子

云無極之外復有無極又云六合之外聖人存而不論蓋以時機未達故孔老弊而不言而大雄之化普被三千遍該五性其教網恢張不得不爾然此三千尚約小教方之華藏不啻毫末之於太空爾○住者下畧辨餘三

住劫可知壞劫中言前十九增減壞有情者謂於一減劫末人壽三十歲時餓饉劫起七年七月七日由漫風起吹其方所令時節失度五穀不成故致饑饉人壽二十歲時疾疫劫起由惡鬼神損害於人七月七日而止人

壽十歲時刀兵劫起草木皆化刀仗爭相殺害唯以刀仗而自莊嚴七日七夜而止當時世界應無有情此援小教所說云爾言後一增減壞器界者初火灾起壞及初禪由七日輪起於空時大地須彌皆發火燭俱時洞然

以其熱故吸下水輪水如酥油一切皆盡七度火災之後有水灾起壞及二禪七度水灾之後有風灾起壞及三禪故論結云能壞者是火水風等三灾此上並依北山注文空劫可知問彼時既空誰復知其劫數耶答以他界住劫較

舊

西

之可知○言劫劫下結無窮上三句法說下一句喻明○注中形對世教以辨優劣文相易了○故知下結功超勝言淺淺之教者後四教相望前淺後深此乃淺中之淺爾若對人天則亦次深然不對彼以人天教末

出三界故○言都由不了下結不應先問云何故生死輪迴不絕答云都由不了云所以起惑造業生死輪迴問何故不是我論牒云不是我者謂此下釋圓覺云衆生無始妄認四大爲自身相六塵緣影言緣六塵爲自心相衆生不了妄計爲我離色心外誰是我者○今推尋下顯淨因果分二初假想析法然文承前起由前云不是我者本因色心和合故外人問云色心和合即是我身那言不是答妄情執著則似有之觀智分析則知本

影像者

無良以愚法聲聞不了即色明空要須假想  
慧數析法方知是空故云推尋分析也色有  
等者色以質碍爲相然色通形顯長短方圓  
等謂之形色青黃赤白等謂之顯色地水火  
風名爲四大此之四法周遍一切有爲法中

舊

五

故名曰大圓覺經云我今此身四大和合所  
謂髮毛爪齒皮肉筋骨髓腦垢色皆歸於地  
滌涕膿血津液涎沫痰淚精氣大小便利皆  
歸於水暖氣歸火動轉歸風四分分之色在  
何處心有等者前色蘊名色此四蘊名心蘊

者積聚爲義積聚多法成一蘊故受以領納  
爲相別有三受謂苦樂捨或復有五更加憂  
喜想以想像爲相攀緣前境追憶往事等行  
以遷流爲相然有與心相應不相應異且相  
應者小乘心所四十六法如大乘久五法中

除受想二法餘皆是也不相應者有十四種  
謂一得二非得三衆同分四無想異熟五無  
想定六滅盡定七命根八生九住十異十一  
滅十二名十三句十四文識以了別爲義小  
乘唯一意識若皆下通畧總結○況地大下

## 永樂北藏

## 華嚴原人論

## 第一八八冊

至各不相是者次細析轉多論中舉三百六十段骨等猶是竅說若從竅至細析者謂四支五根漸漸分析一分析作四分四分析作十六分析至極微名隣虛塵與空無別方名曰空皮毛下論約相顯易知內外各舉其四

各不相是一句總前多法既不相是誰爲我者又前水火風大此應例準析之水大易知火風二大雖各是同依根說異如呼吸奔走火風之類亦各用別然泛明色蘊有十一法謂五根眼耳鼻舌身也五境色聲香味觸也及無表色今但

說身故不言境等應例析之○諸心所等者即析心也謂心王所有差別業用故曰心所然小乘心所都有四十六法總成六類謂一大地法有十所謂一受二想三思四觸五欲六慧七念八作意九勝解十三摩地此十遍

普四庚

一切心故名大地二大善地法有十謂一信二不放逸三輕安四捨五慚六愧七無貪八無嗔九不害十勤此十唯屬善性名善地法三大煩惱有六謂一癡二放逸三懈怠四不信五惛沉六掉舉此六通見修斷名大煩惱

四大不善有一謂無慾及無愧唯不善性故名大不善五小煩惱法有十謂忿覆慳嫉惱害恨誑誑惱唯修所斷故名爲小六不定有八一悔二眠三尋四伺五貪六嗔七慢八疑通善不善故名不定此上法數行相廣長具

如別釋但今論意欲顯此中無實我故若欲細辨恐致亡羊言見聞喜怒者見聞易知喜怒即儒宗所謂七情喜怒哀樂愛惡憂亦不離前心所法等論中別舉令俗易知言八萬塵勞者即八萬四千煩惱畧舉大數云爾謂依根本

十惑一貪二嗔三慢四無明五疑六不正見七身見八邊見九見取十戒禁取然一惑有力復各成十十惑成百計分三品上品重故分上中下即成三百中下不分但各成百總爲五百於自五塵總起五百於他五塵總起

舊

王

五百名本一千又於自他五塵一一別起五百即成五千依別迷四諦苦集滅道各有五千故成二萬并本一千爲二萬一千依貪嗔癡及等分行各二萬一千故成八萬四千取全汙義故擾動義故名曰塵勞廣如別釋○

既有已下顯無我義從既有至爲我即假設問也若皆已下至多主紛亂出過即有多我之過此約即蘊明無我也○離此已下即約離蘊明無我也○即離相待故曰反覆○便悟此身下實智斷證文承前起由前假觀析法以爲方便觀行成熟實智發生然小乘修行不出四諦謂知苦斷集證滅修道於中苦是世間果先舉令知言但是衆緣假和合者即前四大五蘊等多法聚集於中無有實主宰者名無我人○爲誰貪嗔等者爲者與也

反前寶此我故起貪嗔癡今既知我本空何用貪嗔或道殺盜施戒禁道如設筵宴以待賓親嚴器械以禦寇盜無賓則杯盤安設無盜則器械何施注云知苦諦者苦以逼迫爲義諦以審實彰名佛說苦定是苦故名曰實如實知苦即是審義苦諦之體即五蘊身心謂此身心是衆苦所依故言衆苦者即三苦四苦五苦八苦等言三苦者謂苦受苦苦樂受壞苦捨受行苦言四苦者謂生老病死五苦者前四苦上加五陰盛苦言八苦者前五

之上加愛別離怨憎會求不得三爲八苦也  
遂不滯心三界等者謂不造三界業言有漏  
者從喻得名如世漏室不堪居止漏器不堪  
舉用然漏有四種謂欲漏有漏無明漏見漏  
言有漏善惡者謂依造之思同時王所與漏

舊

天

相應所修善等皆有漏攝揀無漏善非集諦  
也惡業可知注斷集諦者集以增長生死爲  
事集諦之體通業惑等言但修無我觀者即  
人無我其實有無常苦空不淨等觀及八正  
道等今但以無我爲門攝無常等反前執我

故偏說之注道諦者道以除患爲功正取生  
空智爲體即前無我等觀無攝餘行爲助伴  
也言以斷貪等者文躡前起即以前道諦智  
爲能斷貪等爲所斷三界九地分別俱生煩  
惱障品皆在等言之中言止息諸業者因惑  
起業惑既不生業自停寢此斷貪等猶屬道  
諦相躡而起證我空真如者智有二用一能  
斷惑二能證理我空真如者即五蘊等中無  
實主宰性一分生空理也即小乘三種無爲  
一擇滅無爲二非擇滅無爲三虛空無爲注

中言滅諦者滅以累盡爲名即惑苦皆亡大患永滅○言乃至得阿羅漢果者乃至中間舍諸位故然小乘斷證位次不出道前七賢道後四果言七賢者一五停心觀謂初作五息妄心也二多貪衆生作不淨觀有五不淨一種子不淨二住處

第四

三元

不淨三自體不淨四自相不淨五究竟不淨也二多嗔衆生作慈悲觀三多癡衆生作緣生觀四散亂衆生作數息觀五著我衆生作界分別觀二別想念觀別別觀察謂觀身不淨五種不淨如前所說觀受是苦身受心法苦受苦等念念生滅觀法無我五蘊假合

四法次第各別觀察故曰別相三總相念觀謂隨身等即具苦空無常無我四觀一時故名總相念也此上三位名三資糧四暖位如世鑽火暖相初生火之前聖道持起行相亦然故稱謂創觀欲界四諦各有四相共十六相苦下四者謂苦無常空無我集下四者集因生緣滅下四者滅淨妙離道下四者道如行出上二界四諦合觀亦有十六共三十二此位之中初起智觀五項位可動法中此最爲勝如人首項最極等故亦觀於前三十二行心漸成熟故六忍位忍可忍此忍分三下忍位者印可於前三十二行

中忍別作七周減緣二十四周減行如以無常觀欲界苦乃至以行觀上界道不用後出名爲一周如是逆減唯留無常合有三十一周減行以集等七行與諦境名同故但云二十四周減行也上忍唯一剎那重觀欲苦七

世第一位有漏道中第一故亦一剎那重觀欲苦一行但智勝劣與上忍異此上明道前七賢也言道後四果者於中有四向四果謂之八輩初預流向言預入修聖流故修十六心謂上下八諦各有一忍一智如緣欲界四諦起苦法智忍苦法智集滅

道三例然上界四諦名苦類智忍謂與欲界苦同類故苦類智等於中八忍名無間道八智名解脫道前十五心八無間七解脫名預流向第十六心第八解脫名預流果此位有二行相一正住果未斷修惑皆屬見道二進修果即屬

菩

三

修道斷欲界修惑六品六無門五解脫名一來向第六解脫名一來果但有一度來欲界故斷後三品三無間二解脫名不還向第三解脫名不還果更不來復斷上二界七十二品上有二界每地品故有七十二品也修惑七十二無間七十一解脫

名阿羅漢向自此已前皆屬修道第七十二解脫名阿羅漢果證五分法身名無學位梵語阿羅漢或阿羅訶此云應應有三義一應已永害煩惱賊故二應不受後有身故三應受人天妙供養故言灰身滅智者肇公云大患莫若於

有身故滅身以歸無勞形莫先於有智故絕智以淪虛智以形患形以智勞輪轉修途疲而已所以小乘得四果已化火焚身身智俱滅入無爲界受寂滅樂依三乘教此處應列辟支佛一位梵云辟支迦佛陀此云獨覺

或云緣覺獨覺者出無佛世觀因緣法無師自悟故名獨覺若從佛所聞因緣法作十七智觀十二有支名曰緣覺斷三界惑分侵習氣以根利故超阿羅漢得第五果化火焚身入無爲界名辟支佛所以論不明者與前

葛

主

聲聞同觀生空理同斷煩惱障證灰斷果故不別說○據此宗中下結成所本大鈔云然小乘計生死根本雖有多義畧舉其三一計色心如正理論第八說經部師計現在色心等法爲染淨因意云如大乘第八爲所熏故

二者三毒爲因義如大乘能熏故阿含云會  
恚愚癡是世間根本等三者合取上二義同  
大乘有能所熏方流轉故若爾焉異大乘然  
以參經意而不同者但六識爲所熏非第八  
故縱說賴耶但有名字能熏又非七識故全

不同○過去未來等者此以現在例餘二世  
同以色心三毒爲本不求別法○今詰之下  
就彼詰難分二先立理此以大乘義破之言  
自體須無間斷者如大乘說第八識故論云  
恒轉如瀑流又攝論云無始時來界一切法

等依既言無始時來則知無間斷矣○今五  
識下正破言闕緣不起者謂大乘說眼識九  
緣生一空二明三根四境五作意六分別七  
染淨八根本九種子耳識八緣生前九中除  
明鼻舌身三各七緣生謂前八中除空注中

根即增上緣境即所緣緣畧舉此二等餘緣  
故隨闕一緣即不得起言意識者即獨頭意  
識注中舉五位不行悶絕睡眠二位約下地  
說無想二定約上地說謂無想定中心想不  
生此通外道所求之定滅盡定者前六七識

一向不生故名滅盡此定唯聖人得二定次第應先無想言無想天者即無想異熟謂此天中是第六識心心所等所不行處此之五位皆意識不行也○無色界無四大者謂此四天都無顏色但有四蘊心心所故得無色

舊

辛一

名前五識等即是無心此即無色彼計色心爲本今既皆無本義何在○如何持得下結難如大乘中許有第八持種之義則無此難

○是知下結顯末了

華嚴原人論解卷中